

Član 3.

Ministarstvo obrazovanja i nauke Kantona Sarajevo posredovat će prilikom izrade i potpisivanja ugovora iz člana 2. ove odluke i pratit će njegovu realizaciju.

Član 4.

Rok za izvršenje poslova navedenih u čl. 2. i 3. ove odluke je 60 dana od dana stupanja na snagu ove odluke.

Član 5.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-12490/04                      Predsjedavajuća  
15. aprila 2004. godine              Skupštine Kantona Sarajevo  
Sarajevo                                      Meliha Alić, s. r.

**Zakonodavno-pravna komisija**

Na osnovu člana 2. Odluke o izmjeni Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", broj 4/04) i člana 172. Poslovnika Skupštine Kantona Sarajevo ("Službene novine Kantona Sarajevo", broj 25/03) Zakonodavno-pravna komisija Skupštine Kantona Sarajevo na sjednici od 13. aprila 2004. godine utvrdila je prečišćen tekst Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE".

Prečišćen tekst Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" obuhvata: Odluka o preuzimanju izmjena i dopuna Odluke o osnivanju Fonda grada Sarajevo za stipendiranje i školovanje djece poginulih boraca i poginulih civila - žrtava rata "IKRE" ("Službene novine Kantona Sarajevo", broj 32/01 i 35/01 - ispravka) Odluku o izmjeni Odluke o preuzimanju prava osnivača Fonda Kantona Sarajevo za stipendiranje i školovanje djece boraca i poginulih civila - žrtava rata "IKRE" ("Službene novine Kantona Sarajevo", broj 4/04) u kojim je naznačen dan stupanja na snagu ovih odluka.

Broj 01-05-11732/04                      Predsjedavajući  
13. aprila 2004. godine              Zakonodavno-pravne komisije  
Sarajevo                                      Esad Hrvačić, s. r.

**ODLUKA**

**O PREUZIMANJU PRAVA OSNIVAČA FONDA  
KANTONA SARAJEVO ZA STIPENDIRANJE I  
ŠKOLOVANJE DJECE BORACA, POGINULIH  
BORACA I POGINULIH CIVILA - ŽRTAVA RATA  
"IKRE"**

**I - OPĆE ODREDBE**

Član 1.

Radi obezbjeđenja sredstava i drugih uslova za stipendiranje i školovanje djece poginulih boraca i civila žrtava rata na području Kantona Sarajeva, osniva se Fond Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" (u daljem tekstu: Fond).

Član 2.

Fond će poslovati pod nazivom: Fond Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE".

Fond ima svojstvo pravnog lica.

Sjedište Fonda je u Sarajevu, ulica Štrosmajerova broj 3. Fond ima poseban račun devizni i dinarski.

**II - POSLOVI I ZADACI FONDA**

Član 3.

Fond obavlja sljedeće poslove i zadatke:

- obezbjeđuje stipendije od 1-12 godina školovanja,
- obezbjeđuje stipendije redovnim studentima,
- obezbjeđuje sredstva za nabavku udžbenika,
- obezbjeđuje sredstva za jednokratnu pomoć,
- obezbjeđuje sredstva za posebno, dodatno školovanje (usavršavanje) djece - talenata,
- obezbjeđuje ostale vrste pomoći.

**III - UPRAVLJANJE FONDOM**

Član 4.

Organ upravljanja u Fondu je Upravni odbor od tri člana. Predsjednika i članove Upravnog odbora imenuje i razrješava Vlada Kantona Sarajevo.

Mandat članova Upravnog odbora traje četiri godine.

Član 5.

Upravni odbor Fonda naročito vrši sljedeće poslove i zadatke:

1. Donosi Statut Fonda na koji daje suglasnost osnivača.
2. Donosi Pravilnik o kriterijima i načinu dodjele sredstava o školovanju djece boraca i djece poginulih boraca na koji suglasnost daje osnivač.
3. Donosi srednjoročne, odnosno godišnje planove i programe Fonda, na koji suglasnost daje osnivač.
4. Prati i realizaciju planova i programa Fonda i vrši kontrolu namjenskog i racionalnog korištenja sredstava Fonda.
5. Utvrđuje kriterije i mjerila za usmjeravanje i raspoređivanje sredstava Fonda.
6. Usvaja završni račun Fonda.
7. Usvaja godišnji izvještaj o radu i poslovanju Fonda na koju suglasnost daje osnivač.
8. Obavlja i druge poslove za koje je ovlašten propisima, Statutom i drugim aktima Fonda.

Član 6.

Direktor predstavlja i zastupa Fond, izvršava odluke Upravnog odbora Fonda i stara se o izvršavanju stručnih i administrativnih poslova.

Član 7.

Organ rukovođenja u Fondu je direktor. Direktora imenuje Upravni odbor na osnovu konkursa uz suglasnost Vlade Kantona Sarajevo.

Izuzetno u uslovima neposredne ratne opasnosti ili rata direktora imenuje i razrješava Vlada Kantona Sarajevo.

Član 8.

Organ kontrole poslovanja u Fondu je Nadzorni organ od tri člana. Predsjednika i članove Nadzornog odbora imenuje i razrješava Vlada Kantona Sarajevo.

Član 9.

Statutom Fonda uredit će se naročito sljedeća pitanja: način odlučivanja Upravnog odbora Fonda, izbor predsjednika Upravnog odbora, odgovornost članova Upravnog odbora Fonda, organi, postupak i uslovi za imenovanje i razrješavanje direktora Fonda, ostvarivanje prava i dužnosti iz radnog odnosa direktora Fonda i druga pitanja.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 9. Odluke o osnivanju Kantonalnog stambenog fonda Sarajevo ("Službene novine Kantona Sarajevo", broj 30/01 - Prečišćeni tekst i 10/05), Skupština Kantona Sarajevo, na sjednici od 1. septembra 2006. godine, donijela je

**ODLUKU****O DAVANJU SAGLASNOSTI NA IZVJEŠTAJ O RADU  
ČIJI JE SASTAVNI DIO FINANSIJSKI IZVJEŠTAJ  
KANTONALNOG STAMBENOG FONDA ZA 2005.  
GODINU****Član 1.**

Daje se saglasnost na Izvještaj o radu čiji je sastavni dio finansijski izvještaj Kantonalnog stambenog fonda Sarajevo za 2005. godinu.

**Član 2.**

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-25669/06 1. septembra 2006. godine Sarajevo	Predsjedavajuća Skupštine Kantona Sarajevo Meliha Alić, s. r.
--------------------------------------------------------------	---------------------------------------------------------------------

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 1. septembra 2006. godine, donijela je

**ODLUKU****O IZMJENI I DOPUNI ODLUKE O OSNIVANJU  
KANTONALNOG STAMBENOG FONDA SARAJEVO****Član 1.**

U Odluci o osnivanju Kantonalnog stambenog fonda Sarajevo ("Službene novine Kantona Sarajevo", broj 30/01 - Prečišćen tekst i 10/05), u članu 3. stav 3. riječi: "Dolina broj 8" zamjenjuju se riječima: "Hiseta broj 13A."

**Član 2.**

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-25668/06 1. septembra 2006. godine Sarajevo	Predsjedavajuća Skupštine Kantona Sarajevo Meliha Alić, s. r.
--------------------------------------------------------------	---------------------------------------------------------------------

Na osnovu člana 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 5. tačka 1. Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", broj 9/04 - Prečišćeni tekst), Skupština Kantona Sarajevo, na sjednici od 1. septembra 2006. godine, donijela je

**ODLUKU****O DAVANJU SAGLASNOSTI NA STATUT FONDA  
KANTONA SARAJEVO ZA STIPENDIRANJE I  
ŠKOLOVANJE DJECE BORACA, POGINULIH  
BORACA I POGINULIH CIVILA - ŽRTAVA RATA  
"IKRE"****I.**

Daje se saglasnost na Statut Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE".

**II.**

Ovu Odluku objavititi u "Službenim novinama Kantona Sarajevo".

Broj 01-05-25670/06 1. septembra 2006. godine Sarajevo	Predsjedavajuća Skupštine Kantona Sarajevo Meliha Alić, s. r.
--------------------------------------------------------------	---------------------------------------------------------------------

Na osnovu člana 5. tačka 1. Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", broj 9/04 - Prečišćeni tekst), Upravni odbor na sjednici održanoj dana 29. maja 2006. godine, donio je

**STATUT****FONDA KANTONA SARAJEVA ZA STIPENDIRANJE I  
ŠKOLOVANJE DJECE BORACA, POGINULIH  
BORACA I POGINULIH CIVILA - ŽRTAVA RATA  
"IKRE"****I. OPŠTE ODREDBE****Član 1.**

Ovim Statutom Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" (u daljnjem tekstu: Fond) regulisano je pitanje poslova i zadataka Fonda, upravljanje Fondom, upravljanje i korištenje sredstava Fonda, predstavljanje Fonda, organ kontrole poslovanja, obavljanje stručnih i administrativno-tehničkih poslova, kao i druga pitanja vezana za funkcionisanje i rad Fonda.

**Član 2.**

Fond ima svojstvo pravnog lica.  
Fond ima svoj transakcioni i donatorski račun (devizni i u KM).

Fond ima svoj pečat i znak.

**Član 3.**

Sjedište Fonda je u Sarajevu.

**II. POSLOVI I ZADACI FONDA****Član 4.**

Fond obavlja slijedeće poslove i zadatke:

- obezbjeđuje stipendije od 1-12 godine školovanja
- obezbjeđuje stipendije redovnim studentima
- obezbjeđuje sredstva za nabavku udžbenika
- obezbjeđuje sredstva za jednokratnu pomoć
- obezbjeđuje sredstva za posebno - dodatno školovanje (usavršavanje djece talenata)
- obezbjeđuje ostale vrste pomoći.

**III. UPRAVLJANJE FONDOM****Član 5.**

Fondom upravlja Upravni odbor Fonda koji ima tri člana.

Predsjednika i članove Upravnog odbora imenuje i razrješava Vlada Kantona Sarajevo.  
Mandat članova Upravnog odbora traje 4 godine.

#### Član 6.

Članovi Upravnog odbora odgovorni su za svoj rad Vladi Kantona Sarajevo.

#### Član 7.

Upravni odbor može donositi punovažne odluke, ako sjednici prisustvuje natpolovična većina njegovih članova.

Odluke se donose većinom glasova prisutnih članova Upravnog odbora, a u slučaju da su prisutna dva člana odluke se donose jednoglasno.

#### Član 8.

Predsjednik Upravnog odbora rukovodi radom Upravnog odbora i predstavlja Upravni odbor.

Upravni odbor iz reda članova bira zamjenika predsjednika Upravnog odbora.

U slučaju odsutnosti predsjednika Upravnog odbora ili spriječenosti za rad predsjednika Upravnog odbora, radom Upravnog odbora rukovodi zamjenik predsjednika.

#### Član 9.

Upravni odbor radi u sjednicama.

Sjednice Upravnog odbora saziva predsjednik Upravnog odbora.

Predsjednik Upravnog odbora može ovlastiti, u slučaju spriječenosti ili nemogućnosti obavljanja funkcije, potpredsjednika Upravnog odbora da saziva i vodi sjednice Upravnog odbora.

#### Član 11.

Upravni odbor je nadležan da:

- donosi Statut Fonda na koji daje saglasnost Skupština Kantona Sarajevo (u daljnjem tekstu: Osnivač);
- donosi Pravilnik o unutrašnjoj organizaciji i sistematizaciji;
- donosi Pravilnik o kriterijima za dodjelu sredstava za školovanje djece boraca i djece poginulih boraca, na koje saglasnost daje Osnivač;
- donosi srednjoročne, odnosno godišnje planove i programe Fonda, na koje saglasnost daje Osnivač;
- prati realizaciju planova i programa Fonda i vrši kontrolu namjenskog i racionalnog korištenja sredstava Fonda;
- utvrđuje kriterije i mjerila za usmjeravanje i raspoređivanje sredstava Fonda;
- usvaja završni račun Fonda;
- usvaja godišnji izvještaj o radu i poslovanju Fonda na koji saglasnost daje Osnivač;
- obavlja i druge poslove za koje je ovlašten propisima, Statutom i drugim aktima Fonda;
- bira i razrješava direktora u skladu sa pozitivnim zakonskim propisima.

#### DIREKTOR FONDA

#### Član 12.

Fond ima direktora koji predstavlja i zastupa Fond.

Direktor obavlja slijedeće poslove i zadatke:

- izvršava odluke Upravnog odbora Fonda,
- priprema, predlaže i provodi projekte Fonda,
- rukovodi radom Fonda,
- predlaže Upravnom odboru donošenje općih i pojedinačnih primanja uposlenika Fonda,
- odgovara i stara se o pravilnom i zakonskom materijalno-finansijskom poslovanju Fonda, rukovodi stručnim i administrativnim poslovima Fonda;

- vrši i obavlja druge poslove i zadatke u skladu sa zakonom, Odlukom o osnivanju Fonda, ovim Statutom.

#### Član 13.

Za izbor direktora Fonda Upravni odbor raspisuje konkurs u skladu sa pozitivnim zakonskim propisima.

Upravni odbor svojim aktima definiše procedure, način rada i ovlasti konkursne komisije, koje ne mogu biti manje od ovlasti i procedura definisanih pozitivnim zakonskim propisima koje definišu oblast rada konkursnih komisija za prijem u radni odnos.

#### Član 14.

Kandidat za direktora Fonda, pored zakonom predviđenih uslova, mora ispunjavati posebne slijedeće uslove:

- visoka stručna sprema;
- iskustvo od tri godine na rukovodnim poslovima i zadacima;
- poznavanje rada na računaru i korištenje operativnih sistema (Windows i sl.)
- aktivno poznavanje jednog stranog jezika.

#### Član 15.

Direktora Fonda imenuje i razrješava Upravni odbor Fonda uz saglasnost Vlade Kantona.

Direktor Fonda imenuje se na period od četiri (4) godine.

#### Član 16.

U iznimnim situacijama, kada nije moguće provesti proceduru iz člana 13. ovog Statuta ili se sa procedurom kasni, Upravni odbor može imenovati vršioca dužnosti direktora Fonda ali ne na duži period od šest mjeseci.

#### Član 17.

Direktor obavještava Upravni odbor o svim pitanjima koja se tiču rada Fonda, podnosi periodične i godišnje izvještaje o radu Fonda Upravnom odboru, predlaže mjere, postupke i aktivnosti za ostvarivanje ciljeva Fonda i unapređenje rada Fonda.

#### Član 18.

Direktor prisustvuje sjednicama Upravnog odbora fonda, izvršava odluke Upravnog odbora Fonda koje su u skladu sa propisima, ciljevima osnivanja ili rada Fonda.

#### Član 19.

Direktor Fonda za svoj rad odgovara Upravnom odboru.

#### Član 20.

Direktor Fonda ostvaruje prava i obaveze i odgovornosti po osnovu radnog odnosa u Fondu.

#### Član 21.

Za visinu plaće direktora Fonda, kao i druga prava i obaveze koji proističu iz radnog odnosa, primjenjivaće se propis koji reguliše ovu oblast u Kantonu Sarajevo.

Ukoliko propisom iz prethodnog stava ili drugim podzakonskim aktom Vlade ili Skupštine Kantona Sarajevo nije definisana plaća direktora Fonda, Upravni odbor određuje visinu mjesečne naknade-plaće.

#### V. ORGAN KONTROLE

#### Član 22.

Organ kontrole poslovanja Fonda je Nadzorni odbor koji ima tri člana.

Predsjednika i članove Nadzornog odbora imenuje i razrješava Vlada Kantona Sarajevo.

#### Član 23.

Nadzorni odbor Fonda nadležan je da:

- analizira izvještaje o poslovanju Fonda,
- pregleda polugodišnji izvještaj i godišnji izvještaj.

- pregleda i provjerava urednost i zakonitost vođenja poslovnih knjiga,
- izvještava Osnivača, Upravni odbor i direktora o rezultatima nadzora.

**VI. SREDSTVA RADA****Član 24.**

- Sredstva za finansiranje poslova Fonda obezbjeđuju se:
- dotacija iz budžeta Kantona Sarajevo,
  - donatorskih priloga pravnih i fizičkih lica iz zemlje i inostranstva,
  - ostalih sredstava.

**Član 25.**

Sredstva Fonda će se koristiti za finansiranje poslova iz člana 4. ovog Statuta, kao i za druge poslove i zadatke utvrđene Statutom Fonda, a u skladu s finansijskim planom.

**Član 26.**

Za svoje obaveze Fond odgovara svom svojom imovinom - potpuna odgovornost.

Osnivač Fonda je supsidijarno obavezan za obaveze Fonda.

**VII. STRUČNI I ADMINISTRATIVNO-TEHNIČKI POSLOVI****Član 27.**

Za obavljanje stručnih i administrativno-tehničkih poslova Fonda, Upravni odbor na prijedlog direktora, utvrđuje potreban broj izvršilaca ovih poslova, a u skladu s Pravilnikom o unutrašnjoj organizaciji.

**Član 28.**

Uposlenici Fonda ostvaruju svoja prava, obaveze i odgovornosti po osnovu radnog odnosa u Fondu.

**VIII. OSTALE ODREDBE****Član 29.**

Ovaj Statut stupa na snagu danom davanja saglasnosti Osnivača.

**Član 30.**

Stupanjem na snagu ovog Statuta prestaje važiti Statut Fonda Kantona Sarajeva za stipendiranje i školovanje djece boraca, poginulih boraca i poginulih civila - žrtava rata IKRE ("Službene novine Kantona Sarajevo", broj 6/02).

Broj 182/06  
29. maja 2006. godine  
Sarajevo

Predsjednik  
Upravnog odbora  
Nehru Ganić, s. r.

Na osnovu člana 12. stav 1. tačka b.) i 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 21. Zakona o ustanovama ("Službeni list R BiH", broj 6/92, 8/93 i 13/94), i člana 16. Zakona o visokom obrazovanju ("Službene novine Kantona Sarajevo", broj 17/99, 14/00, 15/01, 13/02, 12/03, 15/03, 13/04, 31/04 i 22/05), Skupština Kantona Sarajevo, na sjednici od 1. septembra 2006. godine, donijela je

**ODLUKU****O DAVANJU SAGLASNOSTI ZA PROMJENU NAZIVA  
JAVNE USTANOVE POLJOPRIVREDNI FAKULTET  
SARAJEVO****I.**

Daje se saglasnost Upravnom odboru Javne ustanove Poljoprivredni fakultet Sarajevo, Ulica Zmaja od Bosne broj 8, za

promjenu naziva, u naziv: Javna ustanova Poljoprivredno - prehrambeni fakultet Sarajevo.

**II.**

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 01-05-25811/06  
1. septembra 2006. godine  
Sarajevo

Predsjedavajuća  
Skupštine Kantona Sarajevo  
Melih Alić, s. r.

Na osnovu člana 13. stav 1. tačka b.) i 18. stav 1. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 57. Zakona o zdravstvenoj zaštiti ("Službene novine Federacije BiH", broj 29/97), člana 11. Odluke o preuzimanju prava i obaveza osnivača Zavoda za zaštitu zdravlja studenata Univerziteta u Sarajevu ("Službene novine Kantona Sarajevo", broj 12/03), člana 73. Statuta Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu, Skupština Kantona Sarajevo, na sjednici od 1. septembra 2006. godine, donijela je

**ODLUKU****O DAVANJU SAGLASNOSTI NA ODLUKU O DOPUNI  
STATUTA JAVNE USTANOVE KANTONA SARAJEVO  
ZAVOD ZA ZAŠTITU ZDRAVLJA STUDENATA  
UNIVERZITETA U SARAJEVO****I.**

\*Daje se saglasnost na Odluku o dopuni Statuta Javne ustanove Kantona Sarajevo Zavod za zaštitu zdravlja studenata Univerziteta u Sarajevu.

**II.**

Ova Odluka će se objaviti u "Službenim novinama Kantona Sarajevo".

Broj 01-05-25658/06  
1. septembra 2006. godine  
Sarajevo

Predsjedavajuća  
Skupštine Kantona Sarajevo  
Melih Alić, s. r.

Na osnovu člana 13. tačka c.) i 18. tačka b.) Ustava Kantona Sarajevo ("Službene novine Kantona Sarajevo", broj 1/96, 2/96, 3/06, 16/97, 14/00, 4/01 i 28/04), člana 49. stav 6. Zakona o zaštiti okoliša ("Službene novine Kantona Sarajevo", broj 33/03), Skupština Kantona Sarajevo, na sjednici od 1. septembra 2006. godine, donijela je

**ODLUKU****O DONOŠENJU KANTONALNOG PLANA ZAŠTITE  
OKOLIŠA KANTONA SARAJEVO****I.**

Skupština Kantona Sarajevo donosi Kantonalni plan zaštite okoliša Kantona Sarajevo za period 2005. - 2010. godine.

**II.**

Sastavni dio Odluke je Kantonalni plan zaštite okoliša Kantona Sarajevo za period 2005. - 2010.

**III.**

Ova Odluka objavit će se u "Službenim novinama Kantona Sarajevo".

Broj 01-23-2567/06  
1. septembra 2006. godine  
Sarajevo

Predsjedavajuća  
Skupštine Kantona Sarajevo  
Melih Alić, s. r.